

周慎齋先生

周子幹。號慎齋。西隅人。少行履輕跢。問長老言。以爲非壽徵。乃對斜拗真。行步遂端。其爲醫務。究陰陽五行之理。意在扶陽抑陰。體驗身心。通己之脈理。以喻人之脈理。全活甚衆。有艷婦以活夫恩。貧無所報。願薦枕席。正色拒絕。嘗經柏葉山神祠傍。見石斜綰路口。擔負往來。苦不便。謀捐資鑿石。居人謝弗敢。乃向神呪云。神必福民。吾體神意去石。若殃當殃我。夜神像仆地。石裂爲三。享年七十有九。著有醫書及慎齋遺書數十卷。見太平縣志。

周慎齋醫案目錄

火證	一
泄瀉	三
吐血	三
汗	五
癰	六
噎膈	七
腹痛	八
脹證	九
脅痛	一〇
目疾	一〇
積塊	二
陽痿	三

周慎齋醫案

武進徐衡之編纂
嘉定姚若琴

嘉善俞震東扶評注

火證

一人七月病上辰昏暈。下午不言。昏睡一日不醒。人叫不應。身涼不食。不寒不熱。皆曰陰證。議用理中四逆。周慎齋診其脈沉小帶伏。曰內有火邪也。故小便一二日不解。延至夜不醒。周曰此真火也。其妻曰前日房事如何。是火。周曰夜有房事。內虛又勞。熱甚。夫乾熱從虛入。則陰氣將絕。以水救之。則可。取冷水一桶飲。至五碗病者曰渴。飲至七碗。大汗如雨。病者曰餓。吃粥一碗。用補中益氣湯加炮薑澤瀉。溫中瀉冷水而愈。

一婦五月間。身涼自言內熱。水瀉二月。一日數次。小水絕無。大便俱水。自言上熱極下凍死。腰腿足俱冷。腹痛如冰。或一時發熱不欲近衣。或一時

怕冷。遍身盡然。夜至天明。面目紅腫。藥之不愈。六脈洪大。此伏火也。火性炎上。故上熱下冷耳。用四物湯加柴胡。葛根。升麻。甘草。梔子。黃芩。黃柏。二貼。小水行。瀉止。復發牙疼。三日不愈。用黃芪建中湯加附子。一服。

一人知飽不知飢。胸膈飽悶。脾虛也。常起火喉痛。口唇生瘡。牙根作脹。齒縫出血。火在上上盛也。骨痠痛不能久立。雞鳴精自遺下。虛也。上盛下虛。所謂陽精下降。其人天。名曰下消。善治不若善養。用補中益氣湯以散上焦之火。六味湯以實下焦之腎。所以斂火歸本也。

一婦。六月卒死。遍體俱冷。無汗。六脈俱伏。三日不醒。但氣未絕耳。衆用四逆理中。亦不能納。四日後。慎齋診之。仍無脈。念人一二日無脈立死。今三日不死。此脈伏也。熱極似寒耳。用水溼青布。放身上。一時身熱。遂飲冷水五碗。反言渴。又一碗。大汗出。後用補中益氣加黃柏十貼愈。

震按。慎齋之治上熱下寒。腹痛如冰。粗工必引立齋治韓州同之例矣。乃與虞公升陽散火湯同軌合。

輒至如飲以冷水，覆以溼布，亦是試火之真假也。

泄瀉

一人常臍痛，痛則大便泄。此脾虛腎水上泛，以下犯上，寒在腎也。宜溫腎，則水安不泛，升胃氣，則土旺而痛不作。瀉從何來？用白朮七錢，北味、鹿茸、人參、炮薑各一兩，元米糊丸，白湯下。

震按：此條立言簡括，立方精卓。近惟葉案有云：久瀉無不傷腎，食減不化，陽不用事，八味腎氣乃從陰引陽，宜乎少效。用鹿茸、人參、陽起石、茯苓、炮附子、淡乾薑，可與此方並峙。

吐血

一女吐血發熱，熱甚而喘，用生脈散，熱更甚。脈或大或小，或緊或數，或浮或濇，改變不常。知其脾陰虛而脈失信也。脈者血之府，脾統血，血枯故改變不常耳。用保元湯加北味、山藥、枸杞、白茯苓，人參重用至五錢，二貼效二十

貼愈

震按。脾陰虛而脈失信。亦爲脈之不常。尋一別解耳。所難者吐血。發熱。且喘。服生脈散熱更甚。幾與張飲光之服八味而喘益急。貴官之服參地固本丸。而反加氣急。病情相類矣。慎齋指爲脾血枯。故脈改變。乃不用補血而重用人參。其不因熱之更甚。致疑生脈之誤。非識力兼到者能乎。

陳姓者。年三十五歲。性嗜酒色。忽患吐血。一日三五次。不思飲食。每日食粥一碗。反飲滾酒數盃。次日清晨再食粥。前粥盡行吐出。吐後反腹脹。時作痛作酸。晝夜不眠。飲滾酒數盃略可。來日亦如此。近七月矣。醫人並無言及是積血者。俱言不可治。周診之。六脈短數。曰吐後宜寬反脹。飲滾酒略可。此積血之證也。蓋酒是邪陽。色亦邪陽。邪陽勝則正陽衰。又兼怒氣傷肝。肝不納血。思慮傷脾。脾不統血。中氣大虛。血不歸絡。積血中焦無疑。宜吐宜利。但脾胃大虛。不使陽氣升發。陰寒何由而消。先用六君子湯。白朮以蒼朮製之。加丁香溫胃。草薢治中脘痛。三十餘貼。再用良薑一兩。百年陳壁土四

兩同煎待土化切片陳皮去白草薏人參白朮茯苓甘草胡椒丁香各五錢細辛四錢共末空心清鹽湯或酒送下二錢此藥專在扶陽積血因陰寒凝結陽旺而陰自化服藥後血從下行者吉乃血從上吐約六七碗胸中悶亂手足逆冷不省人事急煎人參五錢炮薑八分遂靜定後胸中悶亂臍下火氣而昏用茯苓補心湯一劑而安後用六味加人參炮薑而痊

震按此案認病有卓見用藥有妙解與諸吐血治法絕不相關因在血止後得吐反脹當治其脹耳案中邪陽勝則正陽衰至言也凡人逞慾藉酒爲助自覺陽強可喜不知仍靠命門真陽作主迨慾既遂而邪陽息真陽始寧慾火頻起頻息真陽必漸用漸衰或慾起而勿遂其慾似與真陽無損然如燈火本明而於燈下另添一火以逼之此火漸旺則燈火漸滅理更可悟故凡中年之後多病人必以閉關爲福尤以泊然不起慾念爲大福也

汗

一人自汗足冷不能行動尺脈沉大此脾氣下陷也故肺失養而汗出

足乃脾腎經行之地。脾陽不舒。腎氣亦鬱。所以冷也。以啓脾養肺爲本。溫腎爲標。用參芪山藥補脾陰。固表扶肺。稍加桂溫之而愈。

震按。自汗而足冷。不能行動。顯係下焦虛寒矣。尺脈當沉細。何反沉大。粗工舍脈憑證。必將溫補肝腎。而用熟地。枸杞。菴蓉。鹿茸。桂附等藥。繆工憑脈論證。或認下焦溼熱。而用二妙散。防已黃芪等方。俱與脾氣下陷隔一層也。慎齋善用溫補。此案只稍加肉桂。亦以尺脈之沉大也。

瘕

一人。身熱至六七日。醫用地黃湯。遂致身體強硬。六脈沉伏。目定口呆。氣喘不能吸入。周慎齋曰。此能呼不能吸。病在中焦實也。中焦實。脾不運。耳方用遠志白茯苓各一錢。附子四分。去白廣皮六錢。磁石蘇梗各一錢五分。沉香二分。一貼身和六貼而安。蓋脾者爲胃行其津液者也。脾不運。則胃陽不行於肌肉。肌肉無陽。所以強耳。醒其脾。則胃陽通而身和矣。

震按。此非瘕證。因身體強硬與瘕相似。故錄於此。觀其議論亦佳。然不能解其製方之義。

一人患腸風血大下不止。頭暈倒地。三四年不愈。皆曰不可治。周診脈。左手沉細。右手豁大。此因內傷寒涼太過。致陽不鼓。故右脈沉細。血不歸絡。火浮於中。故尺脈豁大。用補中益氣湯十貼。再用荊芥四兩。川烏一兩。醋麵糊丸。空心服愈。

震按：此丸名烏荊丸。恰與臟連丸爲對待之方。一熱一寒。判如裘葛。用得宜。神應無比。

附周慎齋治一人年老。因入房。忍而不洩。小便不利。諸藥不效。此腎虛而氣滯血凝也。用土牛膝搗汁。酒服二碗。小便出物長三寸。長六寸者。二蟲而愈。

噎膈

一人年五十五。胸前微痛。無休息時。六脈俱無。胃氣。惟胃脈略緩。蓋胸中受氣於丹田。時時心下微痛。乃丹田陽氣不到胸中。膈氣無疑。脾脈微緩。調理脾胃。猶可遷延。保元湯加山藥沉香。

一女喉間常起噎哽、飲食難消、舌上乾燥、胸前痛如有所傷、兩腿無力、面上肉緊、六年矣。方用六味湯加白芷、細辛、各八分。

一人飲食能進、遇子時則作吐、作瀉。慎齋謂其人必苦憂思。思則脾氣鬱結、不能散精於肺下、輸膀胱、故津液直入大腸而瀉也。吐者脾不健運、不能傳化幽門宿食、積於胃中。子時陽生、衝動陳垢、故吐也。宜扶脾爲主、用人參、白茯苓、山藥、各一錢、炙草五分、附子製、烏藥三分、薑一片、煎服愈。

震按、慎齋三案、非真膈證。然治法新奇、可與喻西昌分道揚鑣。今觀西昌案中載膈證三條、亦非真膈證。如李思堂室、以參湯調赤石脂末、是胎前嘔噦洞瀉也。黃咫旭室、以六君加旋覆煎湯調石脂末、是胎前大嘔痰沫二便不通也。倪慶雲、先服理中六劑、次用旋覆煎湯調赭石、末是嘔吐黑臭水及噎氣不絕也。此皆暴病形似關格、與由噎而膈以漸加重者懸殊也。

腹痛

慎齋曰、一人年二十餘、房事不節、因食酒店飲食、遂火挾臍起、上入胸

膈腹內痛。外皮抽進。如有物閉住胸中。用消導者有之。用溫補者有之。服藥愈多而病愈凶。自分以爲必死。予診之。思相火自下衝上。直至於頭面。今火起於臍。至胸而止。乃因色慾過度。真陽不足。丹田有寒也。作痛者脾虛有寒。上無火生也。用烏藥二錢。以製附子一枚。每用附子三分。水煎服。蓋附子扶陽。烏藥破滯。只此二味煎湯極清。清則下行甚速。故五日見效。服附子百枚而痛自愈。

脹證

一人腹脹時吐。小便利則大便閉。大便通則小便閉。周曰。此證中氣實。故脹。濁陰不降而逆於上。故吐。清陽下陷。填塞下焦。故二便不能齊通。用炮薑三錢。溫中而健運。升麻一錢五分。升陽於下。吳茱萸一錢。降濁於上。八貼愈。

一女。脹而脈沉。用黃蘗青鹽升麻而愈。門人問其故。慎齋曰。此因命門

火鬱。使腎之真陽不升。心之真陰不降。故用黃蘗以解命門壯火。使水中得升。其真陽用青鹽以潤心。使無邪火之熾而得下。其真水。水火既濟。而復以升麻提其青氣。青氣一升。濁氣自降。而脾肺無內鬱之弊。脹證愈矣。蓋其本在腎而標在心。故三藥奏效捷也。

震按。慎齋立論最高。定方最奇。然以此三味治脹殊未敢信。易思蘭治齒脹。亦用此方。則於理爲近。

脇痛

一人六脈澀滯。脅痛吐臭痰。惡心食不下。蓋脅者。少陽之分也。清氣不升。濁氣鬱於少陽之絡。故痛。濁氣上逆。故吐臭痰而惡心。濁氣故臭也。食不下者。少陽清陽之氣不升。則肝不能散精也。用柴胡白朮各二分。黑山梔甘草各五分。白芍丹皮各一錢。白茯苓廣皮各一錢五分。歸身八分。麥冬二錢。十貼全愈。

目疾

一人喪子悲哀太過兩目腫痛用獨參湯而愈蓋悲哀則傷肺金虛則木寡於畏肝火上逆而目痛人參補肺肺王則木沉火降也。

震按兩目腫痛用獨參湯奇矣。及講明其理始知是正非奇。然亦須審兼見之證。與脈象若何。蓋木寡於畏肝火上逆。目既腫痛而或赤。脈若弦大而且數。口渴內熱投以此方。不虞其痛之喪明乎。

積塊

一婦素善怒左脇下有塊身肥大經將行先一二日且吐且下此肝木乘脾脾虛生痰不生血也善怒脇塊肝氣亢也吐下者脾氣虛也身肥則多痰痰盛者中焦多滯故經行時氣血流通沖動脾滯且吐且下也久而不治必變中滿宜理脾燥溼白朮一兩半夏五錢生薑七錢沉香二錢共末白糖和服。

一人左脅下有塊右關脈豁大周用烏藥一兩以附子五錢濃煎製之將烏藥日磨二三分酒送下俟積行動乃以補中益氣湯加附子服之丸用

六君子。

震接慎齋書云。凡積不可用下藥。徒損真氣。病亦不去。當用消積藥。使之鎔化。則除根矣。積去須大補。誠格言也。卽此二案亦平淡之神奇。又嘗考消積之方。如桃仁煎用大黃、蟲蟲、芒硝、黑神丸。用生漆熟漆。東垣五積丸俱用川烏巴霜。局方聖散子三稜煎丸俱用礞砂、乾漆。此皆峻厲之藥。用而中病固有神效。若妄嘗輕試。鮮不敗事矣。千金硝石丸。人參硝黃並用。丹溪猶以爲猛劑。治婢一案。每與補藥迭進。此真善治病者也。

陽痿

一人年二十七。八奇貧。鰥居鬱鬱不樂。遂患陽痿。終年不舉。溫補之藥不絕。而證日甚。火升於頭。不可俯。清之降之皆不效。服建中湯稍安。一日讀本草見蒺藜一名旱草。得火氣而生。能通人身真陽。解心經之火。鬱因用斤餘炒香去刺成末。服之效。月餘諸證皆愈。